

# 宛陵先生詩集


卅之四

			三	漢
		一	四	書
一	一	二	二	門
三	三	七	三	類
冊	架	函	號	

庫文閣內			
三		三	漢
五		四	書
函		二	
	一	三	
八	三	號	
架	冊	類	


內閣文庫	
番號	漢 3423
冊數	13 ( 8 )
函號	315 40





宛陵先生集目錄卷第三十

淺草文庫



送李密學亳州

送樊秀才歸安州

和李密學見懷

觀理疏

哭尹師魯

泛舟和持國

荅持國示詩

送李轉運移京東

送庭老歸河陽

詠雙杏

和仲儀楸花

目昏

送韓太祝求醫

賦紅雀

持國遺食

捫虱得蚤

同道損遊西湖

送上虞孫簿

寄題金州處陰亭

石榴

七夕

同諸韓晚遊西湖

韓王汝遺澄心紙

和仲儀麝香

和凌霄花

聞王汝宿城北

夢過三陵

詠扇

送曼叔襄城尉

送吳給事移淮西

李密學寄亳州棗

九月五日夢求叔

尉氏南至京水及人腔

宋平叔郊外見迓

裴如晦赴河陽幕

送子華拜掃

送王汝宰錢塘

得曾鞏附求叔書

追詠崔氏小園

宋中道快予生女

詠次道宅櫻櫚

詠稗

詠象子華邀賦

和荅惠勤上人

荅顯忠上人

送韓仲文奉使

送劉司勳奉使

和求叔秋懷見寄

同王汝謁裴如晦

詠黃木芙蓉

二馬

和許發運詠影

寄題衢州萃賢亭

答楚僧智普

和鴨雛

有觀

安陵先生集卷第三十

宋宛陵梅堯臣聖俞著

送李密學赴亳州

倦輸關內粟遂請潁川符治績可稱最士民將  
以蘇譙都君命重苦縣祖風殊僊檜留陰在甘  
棠卽化敷行舟通遠水候騎溢長衢他日人懷  
望烟雲自滿湖

送樊秀才歸安州

開元有謫僊酒隱向安陸子嘗慕其人文字不

拘束月下每醉吟落紙輒數幅今當安陸歸白  
 酒村中熟一名猶未成雙親淚盈目切莫苦啣  
 杯無心不擇祿去去烟水間野禽鳴古木聞聲  
 不得名將投山舍宿此趣自可嘉非如走塵轂  
 仁韻李密學合流河口見懷  
 二水交流抱閭井清潭幾曲自淵回已浮畫舸  
 遙遙去更愛雙鷺泛泛來

觀理蔬

野薺不堪食蕪菁今正肥夏畦人所病老圃方  
 用頗不早乃令山東粟餉饋歲可保古路趨汶  
 陽長風吹綠草

送李庭老歸河陽

五月馳乘車歸心豈畏暑道上多清陰日中不  
 遑處函谷自控帶大河無險阻時平獨往還拜  
 壽觴屢舉

詠雙杏子其核亦然

子核成雙杏將寄同心人定棲鴛鴦魄為物豈  
 無因

和王仲儀楸花十二韻

春陽發草木美好一同時桃李雜山櫻紅白開  
 繁枝楸英獨步媚淡紫相參差大葉與勁榦簇  
 萼密自宜圖出帝宮樹聳向白玉墀高絕不近  
 俗直許天人窺今植郡庭中根遠未可移但欣  
 東風來不恨和賄遲山禽勿感踏蜂蝶休掇之  
 昔聞韓吏部爲爾作好詩愛陰無纖穿就影東  
 西隨公今亦牽此端坐曾莫疑

目昏

可窺乳雀爭嘶蝶鳴鴉各護兒於陵豈復有空  
 學桔槔爲

哭尹師魯

謫有無君甚寃文章不世用器業欲  
 誰論野鳥災王傅招辭些屈原平生洛陽友零  
 落幾人存

泛舟和持國

綠源去未窮夾岸樹濛濛弱蔓低侵水殘芳不  
 隱叢浣衣思越婦折笋擬江童薄暮迴船處潭

魚動鏡中

欲晚訪韓持國忽道損見過不克往持

國示詩因答

西雲沉日脚命僕駕我車我車已在庭有客方  
詣廬談笑不覺夕雞黍且煩渠重約勿以怪但  
當摘園蔬

送京西轉運李刑部移京東轉運

列藩環王都遂分東西道統制連別京守臣多  
碩老外臺持權綱才具必美好公今且更踐天

我目忽病昏白晝若逢霧窺驚隻物雙書輒下  
筆誤來人髣髴是飛鳥朦朧度紘紘孰辨別此  
已忘好惡

送韓八太祝歸京師求醫

少年絜而腴茸茸領有鬚冒熱跨馬去去去天  
王都借問去何謂就醫將疾驅客曰實誰我健  
壯其非夫敢告固不給但怪所見愚瘠者未必  
病病者未必癯天馬不着肉日走萬里途山熊  
豈無膏養體唯恐痛滯結在於內安得彤肌膚



厥貌雖美好厥疾勿須更療之欲其漸熾之非  
愛軀此行不飲別安得持酒壺

記春水多紅雀傳云自新羅而至道損  
得之請余賦

赤羽異蒿鷄來自東夷國群集成臯間翩翩皆  
一色舉臆發朱砂爲瑞應火德穿屋彼非類啄  
粟慙與食清聲殊啁啾所蓄每陋逼應當放之  
去重展萬里翼

持國遺食

乞食非爲貧妻病妾且死晨爨不爨釜朝飯亦  
輟七遺我我所恤食我所耻我耻曾我求我  
恤寧我止應乏豈在豐赴義實未鄙漂母殊下  
鄉爲惠得終始

捫蠶得蚤

茲日頗所愜捫蠶友得蚤去惡雖未殊快意乃  
爲好物敗誰可必鈍老而狡天穴蟻不啣人其  
命常自保

同道損世則元輔游西湖於卞氏借雙

鶴以觀

塘蒲蔭綠水苗萑艷修渚想像華亭野但欠鳴  
鶴侶同來三四人趣向頗相與思見此清禽無  
能覲翔羽城隅有大第世本官吳楚嘗同太湖  
石不惜持金取欲作園林勝園林寧暇覩今當  
問其家借賞無吾拒米亦致之來告毛如喜舞  
雖生滄海心翅重不得舉還爾稻梁貪崇丘在  
何所

送上虞孫主簿

稽山參雲深剡水與天碧行將啼鳥親翫不滯  
鱗隔况世任新安又嘗爲粵客風物知所諳窮  
幽梯翠壁

寄題金州孫御史處陰亭

有形則有影畏影當念形日月難久晦處陰乃  
暫停光照不復離疾走何所寧當是謂尼父我  
輩烏忍聽結廬雖可託夜燭亦熒熒直躬觀罔  
兩將此同醉醒

石榴

榴苦多雨過熟坼已半秋雷石罌破曉日丹  
砂礪任從雕俎薦豈待霜刀判張騫西使時  
蒟醬同歸漢

七夕

古來傳織女七夕渡明河巧意世爭乞神光誰  
見過隔年期已拙舊俗驗方訛五色金盤果蜘蛛  
浪作窠

同韻韓及孫曼叔晚遊西湖三首

晚日城頭落輕鞍果下涼野蜂嚼水沫舟子割

菱黃木老識秋氣徑幽聞草香幅巾聊去檢不  
作楚人狂

爍電未成雨涼風先入衣青天忽開影紅日尙  
餘暉蛺蝶作團起蜻蜓相戴飛嘲謔不覺夕跨  
馬月中歸

舟中演滿意不淺却坐林塘景欲昏翠色蜻蜓  
立菱蘩青絲驪臬秣城根

韓王汝遺澄心紙二軸初得此物歐陽  
永叔又得於宋次道又得於君伯氏子

華今則四矣

三得澄心紙吾嘗再有詩粗能條本末不復語  
興衰堪入右軍跡慙無幼婦辭君家兄弟意將  
此比烏絲

和王仲儀二首

游伏栢林下食栢遂生香空知噬臍患豈有周  
身防赤豹以尾死猛虎以睛喪儻或益於用捐  
軀是其常

凌霄花

草木不解行隨生自有理觀此引蔓柔必憑高  
樹起氣類固未合縈纏豈由已仰見蒼虬枝上  
發彤霞藥層霄不易凌樵斧誰家于一日摧作  
薪此物當共委

二十一夜聞韓玉汝補城北馬鋪  
暗樹秋風擺葉鳴桃枝竹簟冷逾清孤燈淡淡  
短亭客半夜蕭蕭聞雨聲

夢過三陵

夢過漢陵間秋風石馬間當年侍臣淚泣盡向

三山

誄扇

翦統成薄質誰將擬月輪  
閔竭夏后德同我天  
王仁及至為時用豈必美  
盡人何憂秋風來退  
保藏其真

送曼叔襄城尉

昔君乘紫駟來獵荒城下  
復乘紫駟去不逢亭  
長罵溪風欲涉時山雪獨  
歸夜此趣信所諳  
官莫悲叱

送吳給事自許昌移淮西

直道昔參輔獨將天下憂  
忠言悟明主退請拜  
諸侯坐閣政方舉移藩心  
所求蔡人迎且喜許  
俗愛難留夾路車徒盛分  
壇禾黍秋穆陵無夜  
閉仁化自公修

亳州李密學寄御棗一篋

沛譙有鉅棗味甘蜜相差  
其赤如君心其大如  
王瓜嘗貢趨國門豈及貧  
儒家今見待士意下  
異虛全茶食之無狀飫詠  
德曾未涯

九月五日夢歐陽永叔

朝鏡惡白髮夕夢對故人常恨道路隔忽喜顏  
色親相笑勿問年青銅早傷神雞喙天欲白向  
者猶疑真

自尉氏南至京皆水及人脛

陸行畏水深舟行畏水淺河流去時閣涂潦歸  
時踐事與時相違我慙行處蹇人生莫為客為  
客此安免

九月十六日自許昌廻至京師胥平叔

宋中道迂于郊外

今日至國門二子來迎我適遇信陵塚塚棘秋  
葉墮翩翩隨人飛拂馬右或左謂此獨無情亦  
與吾意可

裴如晦赴河陽幕

喙風一夜動作雪欲愁客客莫苦嗟行農望明  
年麥方來笑語同又是關河隔主人賢且智不  
待子所畫

送韓子華十月拜掃

白露已變霜孝心竟悲惻薦衣如念存拜壠不  
遑息帶劔蓬池外兼程困馬力禮畢便當還於  
誠乃為得

送韓六玉汝宰錢塘

予嘗訪林  
逋湖上

頃尋高士廬正值浸湖雪雪中千萬峰參差縣  
前列僧居或隱見岸樹隨曲折驚鳥如避人遠  
向寒烟滅潛希為子男儻得遂踈拙今逾二十  
年志願徒切切方聞落君手與我曾未別景多  
詩莫窮歸載墜車轍

得曾輩秀才所附滁州歐陽永叔書

意

客從淮上來往問故人信袖銜藤紙書題字遂  
已既喜聞其封固覺減吾客新詩不作寄乃  
見子所慎向來能如今豈有得觀覺南方歲苦  
熱生蝗復饑饉憂心日自勞霜髮應滿鬢知子  
欲東歸曉夕目不瞬貧難久待乏薄祿藉露潤  
雖為委吏冗亦自甘以進相望未得親終朝如  
抱疢

追詠崔奉禮小園

前此訪君時已觀堂宇邃安知中屏開自有幽  
林致花拳崑桂紅石孽雲根翠正當秋風來不  
見搖落意日得吟其間何須去為吏

宋中道快我生女

爾嘗喜詛予生女竟勿怪今遂如爾口是宜為  
爾快亦既以言酬固且殊毗睚慰情何必男茲  
語當自戒

詠宋中道宅櫻櫚

青青櫻櫚樹散葉如車輪擁蔀交紫髯歲剗豈  
非仁用以覆雕與何憚剋厥身今植公侯第愛  
惜知幾春完之固不長只與薺本均幸當勅園  
吏披割見日新是能去窘市始得物理親

詠秤

聖人防爭心衡權為之設後世失其平有星徒  
爾列物物尚可欺銖銖不須別將淳天下民安  
得必毀折

詠象韓子華邀賦



軀大力無用遠物賞馴柔食芻與飲水百倍於  
馬牛猶能絡金羈不可伏車輶蒼舒曾智秤千  
鈞空暨舟

依韻答惠勤上人

釋子本樂靜宜不事物牽我慙姑蘇守復賞杼  
山然三歲與之別其學已增前忽此有來贈老  
拙謬耽研

答顯忠卜八

驅馬傍馳道歸自許西偏高車非舊貴立避甲

樹邊心雖欲往謁僕餒行不前是甘處窮巷  
笑微生烟儻有好事者扣門與留連或有袖中  
詩語熟氣頗全曾不類緇褐始可令勉旃京師  
百許寺知幾相差肩

送韓仲文奉使

往使匈奴國持節豈辭遙朔非正苦寒風汝與  
雪飄燕山何處是漢銘應已銷前車渡冰河後  
騎鳴金鑣行行至穹廡尋我不敢囂玉爵親獻  
鼎名裘進狐貂禮城樓命日苑柳舒楊條

送劉司勳奉使

授命出絕域北至單于庭馳鳴沙磧遙馬倦朔  
雪零幽州古道上胡笳應夜聽嘗聞昔時語南  
看北辰星使

依韻和歐陽永叔秋懷擬孟郊體見寄

二首

我居西北地秋無東南風木脫不塞望高臺空  
九重音塵安可得鴻鴈鳴霜中日看紫苔生乃  
見三經窮一聞離騷篇寫盡楚客胸胸懷如

匝夜

秋思公何高堆積自嵒崿出為悲秋辭一伊見  
孤聳念我老於詩我髮實種種而後傷故人故  
人多作塚陰風夜木嗥窸窣聞鬼竦獨我忘形  
骸百事乃纖冗不眠霜月上霜月如可捧

裴如晦自河陽至同韓玉汝謁之

朝聞單騎歸徑走至其第扣門童僕頑拒我色  
甚戾不顧遂登堂有馬堂下繫辨詐大呼卿稍  
應西屋際逡巡冠帶出青綬何曳曳有似縮殼

龜藏頭非得計况與二三子交分久已締恕爾  
避客尤新還復新婚

詠王宗說園黃木芙蓉

水中兼木末相擬有嘉花玉蕊圻蒸粟金房落  
晚霞涉江從楚女采菊聽陶家事與離騷異吾  
將奉以誇

二馬

舊馬十年跨老劣多緩行新駒三萬錢頗愛與  
蹄輕不使異芻林均養存其情君門趨早朝風

勁力已生

依韻和許王客詠影

苔影陶潛興長吟爲我聽與之相遇日曾不異  
於形動靜隨生趣存藏委曜靈莊周疾走意推  
本置諸銘

寄題周源負外衢州萃賢亭

昨朝江南客語子川上亭有時飛雨來不見前  
山青卉萼人未識鳥響日可聽既將遲賢者無  
使童僕扃

答楚僧智普始與吳僧顯忠來過今見  
二人詩進於舊矣

我初見子時子作楚人語復與吳客來音俱變  
齊魯乃知久處益薰蕕可同舉更當富於學茲  
言聊以補

鴨雛

春鴨日浮波羽冷難伏卵嘗因雞抱時託以雞  
窠暖三旬殼既坼乳毛寒脰短雞寧辨其雛翅  
擁情欸欸一日向水涯所稟殊未斷泛然去事

飛雞呼心憲憲人之苟異懷負義不足算有志  
不養毓勿論報德限

石觀十一月七日

來恨我馬遲去恨我馬疾馬踏塵作雲已隔粲  
然質時時顧且遙亂緒如有失

杜詩

卷三十一

十一

宛陵先生集目錄卷第三十一

杜挺之贈端現

謝冲卿示持國詩卷

重修孔子廟記

席中賦葡萄

夜聽鄰家唱

和次道金橘

送韓持國歸許昌

送韓持國

遲月

風笛

霜鍾

鳴琴

和光道屏中六鶴

聞子華見訪

送丹陽宰李國博

食齋

每詩

卷三十一

目錄一

二百八十一

井陵亂

夜飲席上賦松子

送李殿丞歸河陽

送王寺丞歸南京

李審言學士遺金波酒

對雪憶訪林逋

元日朝

荅祖擇之遺墨

對殘雪懷永叔

和中道元夕

寄題碧雲堂

李國博遺薑茗

送臨江胥令

寄題滁州醉翁亭

夜夢

賜緋魚

和荅韓子華餉子魚

和荅韓奉禮餉荔枝

張氏納婦

酌別謝判官兼懷永叔

京師延慶曆八年春  
盡夏五月楚州道中

和永叔出百舌

送陶太博廣信倅

荅王太祝卷

雨賦

送張太博袁州倅

和宋中道夜雨

書裴如晦集後

見胥平叔

宣麻

龐月

兵

泥

聞韓仲文使歸

未晴

夜陰

夜晴

古鑑

索驪

廷老許遺結絲勒帛

質

行僧

宛陵先生集卷第三十一

宋宛陵梅堯臣聖俞著

杜挺之贈端溪圓硯

雪壓古寺深中有卧病客訪之語久清饑馬齧  
庭栢桉頭蠻溪硯其狀若圓璧指此欲為贈而  
將助吟席非意予敢貪旣拒頗不憚大出楮中  
有素許當自擇強持慰勤心歸以示朋戚哂曰  
豈其然為汲寒泉滌滌彼僞飾物紙乾見頑石  
清晨走髯奴無馱願求易拜賜遂如初明月懷

吞蝕微分鸚目瑩尚漬墨花碧詞荅謂我愚悔  
復料已逆明日未央朝執手笑啞啞

吳冲卿示和韓持國詩一卷輒以爲謝  
葉公所好者熟已識頭角一日真物來駭汗沛  
且渥我初見韓子蜿蜒噴雷雹子復蛟龍文氣  
象不可捉畏懷但驚顧得與前事較

新息重修孔子廟記

新息古邑也自漢以來幾因亂而孔子之廟歲  
享不絕于今雖邑宰有賢否祀典繫國家也

不賢屋廡不葺有矣祀其廢諸慶曆七年清河  
張君仲爲是邑始勤於治民謹於條約恪於事  
上旣而民信訟且簡乃修孔子祠及祭器予未  
知君之果學耶學而果知道耶以斯舉則君似  
有本者學者未必信奉如之嗚呼孔子之道與  
天地久與日月昭一郡一邑之廟不足以光顯  
厥德報厥功也略究爲郡邑之人少誦其書長  
就其藝遂得其祿忍負不爲一出口之勞完其  
廟至使瓦墮簷風雨壞桶甃缺階塵昏像犬豕



允墻垣往來其間哉新之無是患庶幾賢已然  
則苟因爲利廣爾宮俾不肖有說非予望於君  
也况邑隸蔡守吳公輔臣大儒名重天下聞君  
能是得不樂耶予思昔忝邑時見邑多不本朝  
廷祭法往往用巫祝於傍曰牛馬其肥臙疫其  
銷穀麥其豐瀆悖爲甚予旣葦之君觀有若是  
者當改爲以從著式云

范景仁席中賦葡萄

朱盤何纍纍紫乳封霜厚今爲馬谷繁昔釀  
州酒乃知西土珍漢使傳應久

夜聽鄰家唱

夜中未成寐鄰歌聞所稀想像朱唇動髮髻梁  
塵飛悞節應偷笑竊聽起披衣披衣曲已終窓  
月存餘暉

宋次道得廣南金橘爲餉且有詩因和

鼎

越橘如金丸爛然已盈篋誰傳嶺外信尚帶霜  
前葉莫嫌道路遠得與樽俎接主人無吝心懷

歸子敢輒

李廷老席上送韓持國歸許昌 得早字

馬蹄踐霜華遊客歸何早重裘不畏寒况復非  
遠道誰言未顧期登第鬢如葆解裝喜可知月  
下金壺倒

送韓持國

曰予非才敏乃與世寡游三四洛陽友過半已  
成丘晚節五六人文行皆潔修韓氏棣萼盛於  
我為薰猶君比眾最篤我唱君非鬲昔我竹  
下被窓風颼颼君時不厭過逍遙談未休頗為  
俗士憎恬不防吝尤邇來我還都君亦辭舊州  
舊州若所隱安得此久留雪晴命駕歸使我生  
悲愁誰見洪水上定更不驚鷗

遲月

遲月月已上清光在高木未能照我庭團團隔  
東屋

風笛

既殊出塞聲還非江上聽夜吹送悠揚高樓月

方迥

霜鍾

昔向寒溪卧。遠寺撞白雲。今也趨早朝。殘月馬上聞。

鳴琴

雖傳古人聲。不識古人意。古人今已遠。悲哉廣陵思。

和曹光道謔直廬屏中六鶴

漢家爲瑞雙黃鵠。只道飛翻太液池。不似雲屏

六畫鶴。帝宮深處有人知。

晚歸聞韓子華見訪

門外多車騎。後迹亂前蹤。誰識此來過。塵蹄重獲重。歸有野僕言。恨不故人逢。室無肴酒設。所向牽所從。未能一往見。懶拙其必容。

送丹陽新守李國博歸洪州

蔡水冬不枯。唯愁夜水枯。歸船及暖下。窮臘未飛雪。淮潁地漸偏。川上雲常泄。幾日接春波。南風楚江微。拜親懷郡章。手慕嗟才劣。

食菘

世羞食菘貧食菘我竹耳適見採菘人自出園  
門南土盡瘦鐵刀霜亂青竹籃携持入味池批  
以根葉冬手龜不自飽食此尚可慙肥羔朱尾  
魚腥鱸從爾貧

耳陵亂

耳陵兵亂百物灰火光屬天聲如雷、聲三日  
屋瓦摧殺人不問嬰與孩守官逃在藏浮埃後  
日稍、官軍來圍城幾匝如重錘萬甲雪色停

皚、孰敢專輒但取裁黃土始堅難速頽

夜飲席上賦松子

風松有霜子吹落幽人庭幽人畏狼籍日掃出  
巖高誰將稱遠物乃信涉滄溟

送李審言殿丞歸河陽

大河冬合時上可馳車馬歸子從橋安黃流在  
冰下況命使於家其羨世為寡是宜飭以行慙  
此懷幕看

送王宗說奇丞歸南宗

晏歲欲飛雪滿天含凍雲犯寒凜騎速獵吹紫  
裘薰庭鶻還先喜池鴻否始聞公應問貧賤羞  
說莫如君

李審言將歸河陽值雪遺金波酒

朔吹卷天吼遠郊無身飛忽驚閉戶白昨夜打  
窓微閣卷我方懶闌山君獨歸翻能寄醉耐看  
此解寒威

對雪憶往歲錢塘西湖訪林逋三首

青乘野艇向湖上泊岸去尋高士初折竹聲籬

曾礙過却穿松下到茅廬

旋燒枯栗衣猶濕去愛峰前有徑開日暮更寒  
歸欲懶無端撩亂入船來

樵童野犬迎人後山葛棠梨案酒時不畏尖風  
吹入牖更教牀畔覓鷓夷

元日朝

萬國諸侯振玉珂踏雲朝會雪初過欲聞鳳管  
天邊度數聽雞人樓上歌放仗旌旗方偃亞廻  
頭宮闕更嗟峨謬陪王屬曾何補泛泛慙同上

下波

荅祖擇之遺新羅墨

海上老松死霹靂燒瘦龍胡人犀皮膠團煤烟  
膏濃色奪陽爲翅來涉溟渤重君獲乃爲贈我  
謬蟲鳥蹤且作異土玩不愧西域節

對殘雪懷歐陽永叔

窮臘一尺雪跨春氣逾嚴童僕苦病瘵庭戶無  
與杳日消夜復凍霰積泥相醃懶出獨懷遠句  
由寄江帆

寄題時上人碧雲堂

望望佳人來未來雲已暮當時千里恨不獨看  
雲故何此啓虛堂定知吟秀句還會古人心古  
人非特賦

和宋中道元夕二首

結山當衢面九門華燈滿國月半昏春泥踏盡  
游人繁鳴蹕下天歌吹喧深坊靜曲走車轅爭  
前闔盛亡卑尊靚妝麗服何柔溫交觀互視各  
吐吞磨肩一過難久存眼尾獲笑迷精魂貂裘

比比王侯孫夜闌鞍馬相馳奔

春風來解吹殘雪燈燭迎陽萬戶燃竟看繁星  
在平地不妨明月滿中天赭袍已向端門御僊  
曲初聞法部傳車馬不聞通曙色康莊時見拾  
珠鈿

李國博遺浙薑建茗

吳薑漬吳糟越茗苞越蕻咀辛聊案杯啜味可  
奴酪但拜故人貺何言爲物薄我心易厭足  
比填溝壑

送臨江胥令

初從桃源還却向沔陵去今作中州官山水不  
曾飲且當傳竹枝莫學乘籃輦雲木杜鵑時千  
崑響行處

寄題滁州醉翁亭

瑯琊谷口泉分流淅山翠使君愛泉清每來泉  
上醉醉纓濯潺湲醉吟異樵悴日暮使君歸野  
老紛紛至但留山鳥啼與伴松間吹借問結廬  
何處遊游息地借問醉者何使君閒適意借問

鐫者補使君自爲記使君能若此吾詩不言刺

戊子正月二十六日夜夢

自我再婚來二年不入夢昨宵見顏色中夕生  
悲痛暗燈露微明寂寂照梁棟無端打窓雪更  
被狂風送

賜緋魚

蹉跎四十七腰間始懸魚茜袍雖可貴髮短齒  
已踈兒女眼未識競來牽人裾不知外朝衆君  
恩慙有餘

和答韓子華餉子魚

南方海物難具名子魚珍美無與并完鱗全乙  
異臭腥素鹽漬曝生花輕其頭戢戢筠篋盈出  
自通印時所評遠涉川陸來都城親賓交遺已  
見情食指嘗動吾竊驚果獲異味亦足明

和答韓奉禮餉荔枝

韓盛人所希四海饋名物韓復未踈予分珍曾  
不一莆陽荔子乾皺殼紅釘密存甘尚可嘉本  
味固已失遙思海樹繁帶露摘初日安得穆王



駿能置萬里疾

閏正月二日夜張氏納婦 太素子

婚姻貴及時周有標梅詩雪後花將發人歸室  
且宜坐中傳漏鼓戶外轉星旗環佩遙聞出當  
脩廟見儀

酌別謝通微判官兼懷歐陽永叔

識君童稚時而今君齒壯不見二十年顏貌已  
非向親戚多零落欲語還悲愴更問平生交久  
從滁水上君又滁水歸寄音傾瓦釀儻復二十

年吾焉保無恙

和永叔郡齋聞百舌

響舌能令百鳥羞聽時丹杏發山郵春雲不定  
雨來急濕翅蒼茫高樹頭

送陶太博通判廣信軍

平時易水頭不復起邊愁壯士去來久寒波空  
自流臨塘移鷺羽隔戍見氈裘半似江南美軍  
和賸宴游

荅王太祝卷 整

朝迴泥塗不可出，饑馬倦僕驅之頑。閉門獨與  
古人語，黃卷未終聞。扣關賢哉公，族肯來顧詩  
袖。大篇令我刪珠光，玉瑩絕瑕類。強欲指摠徒  
羞顏，自同培塿最淺狹。安得與子論丘山。

雨賦

春雨之至今兮，風呵而雲導。在上爲膏，在塗爲淖。  
被末漸木，潤萬物者歟。施及天下，不收報者歟。  
入波而隨流，因積而成潦。專好而失道者歟。壞  
瓦漏屋，蒸菌出木。過而爲酷者歟。朝使人愁，夜  
使鬼哭。迷而不知復者歟。將告之雨，雨無聽也。  
將告之天，天且負也。窮居知命，是何病也。噫。

送張太博通判袁州

君非身尤謫南州，南方尚鬼其俗媮。蛇爲鄰虎  
爲陬，丹茅苦竹深幽幽。邑人祠鬼拜古樹，竹杯  
一仰來烹牛。牛死齧懼常不幸，誰得禁止專鋤  
鉤。借曰未信君，且往民將語。怪君聽不仰山頭  
有行舟。

依韻和宋中道雨夜

暗驚料峭寒春雪兼春雨知勝早朝人閒眠不  
開戶丘壑豈無容泥塗還自取誰吟何遜詩不  
覺逢逢鼓

讀裴如晦萬里集書其後

君自萬里迴遂成萬里集其詩二百篇文字必  
已立定應俾前人未嘗有蹈襲古溪蠻鐵刀出  
塚土花澁誰將飾以玉鐔上光熠熠宋子序其  
端精悍孰鉗擊搜新造空蒙俗眼不得入示予  
要賦之短戈慙後執

見胥平叔

歷君門兮九重雲黯黯兮欲雨隱翠幕兮觀予  
心眷眷兮不語

宣麻

彬美下一國會無相印鼎莫驚除拜峻自是戰  
功優壯士頗知勇諸儒方貴謀淮西封亦薄裴  
度死生羞

應月

夜晴初見月雲薄未分明高樹尚無影遠鴻時

卷三十一 一百九十

有聲下階嫌履濕閉戶認苔生寂寂墻陰暝更  
長已漸傾

兵

太平無戰陣漢卒久生驕金甲不曾擐犀弓應  
自調嗟爲燎原火終作覆巢梟若使威刑立三  
軍豈敢囂

泥

一夜添春雨中衢長舊泥屐粘憂折齒馬滑畏  
顛啼去啄從江鶴相呼任竹雞朝來放朝請

興逸人齊

聞韓仲文使歸

傳道使車迴柳條黃未開曉寒非絕漠春色近  
章臺名馬北方至賓鴻南國來明朝齋祓見天  
子始稱才

未晴

未晴初止雨蒸潤尚侵衣缺月如羞出荒雲不  
肯歸杏花朱欲綻梅萼雪將稀遠鴈來何急衝  
風濕翅飛

夜陰

月色明還暗雲寒散復濃古堂移魍魎積霧合  
蛟龍濕菌飛螢出蒼苔上朽重獨吟嗟向老氣  
澁覺偏慵

夜晴

新晴月正明頻聽夜鳥驚未向高枝穩時為繞  
樹聲群飛自紛泊衆鳥不屏營躁靜於焉見誰  
能度物情

古鑑

古鑑得荒塚土花全未磨青菱尖尚在鼻獸角  
微訛月暗蝦蟇蝕塵昏魍魎過但令光彩發表  
裏是山河

瘴

鳴駝出西域銜尾自連連漢驛凌雲去胡人踏  
雪牽常時識風候過磧辨沙泉老覺肉封側猶  
蒙錦帕鮮

李庭老許遺結絲勒帛

紉絲作長帶正勝茱萸紋冉冉仍垂緋燄燄自

梅詩  
卷三十一  
十五  
有薰鮮華非稱我脩飾未如君曾不日來取賢  
哉知禮云

貧  
生其類原憲死不學陶朱但樂詩書在未憂鍾  
鼎無耻隨波上下難免鬼歔歔陋巷由肱者終  
朝還似愚

行僧

風衣何揭揭有若瓠葉翻塵土不遠去白雲巖

石門

宛陵先生集卷第三十一

宛陵先生集目錄卷第三十二

送景仁歸蜀焚黃 送中道鄭州拜掃

送子華歸許昌 燕

送周長官知遼 寒食

和諸君游湖見寄 擬試合桃薦寢廟

子華約游園 大風

春風 送侯寺丞知鞏縣

次道家摘寶相花 送南京寇中舍

送韓奉禮隨侍許昌

和言 卷之三 一百九十七

金明池遊

和應之還邑

送韓仲文知許州

送薛殿丞知達州

和朱學士憶穎川

集英殿宴以雨放

送陳太祝歸河陽

送祖擇之知海州

殤小女

與用文師

小女博館

送吳學士歸蔡州

送刁景純

刁景純期水門再別

和答韓子華

舟中聽汴水

逢王公愷太博

寄題洪州慈濟西

送謝著作歸陳州

和石學士官舍十題

勉致仕李秘監

送江南施提點

夜泊虹縣

施景仁邀詠古檜

送提點王判官

淮雨

舟次山陽呈王寺丞

送崔寺丞宰臨海

楚童寶應道中起慶曆七年夏

雜詩絕句十七首

海詩

卷之三

目錄二

目錄終

宛陵先生集卷第三十二

宋宛陵梅堯臣聖俞著

送范景仁學士歸蜀焚黃

蒼山過秦梁山盡見川陸下馬古城都訪壘得  
喬木掃籜開奠席隕淚濕俎肉當時相如歸徒  
自盛車轂不聞有是為事乃今古獨還因問耆  
舊亦莫遺隱卜荒祠古栢下殘月杜鵑哭憑君  
約史筆書作西來目

送宋中道鄭州拜掃



酈酈道傍杏戢戢壠上栢不知煙火禁但感風  
露易開關掃墓隧向樹繫車輓灑淚有餘悲麒  
麟高幾尺

送韓子華歸許昌

不值風雨暴杏過梨已開社後清明前鷺與人  
歸來湖中水方漫誰共泛其隈儻有問顛顛顛  
顛未忘盃

鷺

澐澐隻來鷺飛飛自舞空輕如漢家后斜避楚  
臺風斗折擦沙背相高接草蟲向人全不畏切  
莫入吳宮

送周衍長官知遼州

二月遼陽去遼陽草未生春風吹胡沙卷起黃  
雲平上人耕耨晚種黍何時成塞地寒且薄百  
役子宜輕

寒食

墳塚徧青山高低占原谷向來路已荒今迷問  
樵牧涉水到雲林隔崗聞近哭沃酒白楊下悲

木言 卷三十三 三首  
風何颺颺雨止梨園殘鳩聲在茅屋

依韻和太祝同諸君遊園湖見寄

陽春何處來客自商丘至一唱新辭工始見故  
人意園林誰與遊卉木欣已媚花上有微陰水  
邊無近思遙憐數觴豆何必親歌吹牧馬憶當  
時招延遺舊地不逢浮沼鴈但見銜魚羣日予  
謬詞律答句嗟蕪累安能接賢彥樂事聯輕騎  
獨不負春風塵纓此懷愧

門學士院試含桃薦寢廟詩擬作

交交鳴谷鳥粲粲熟荆桃寢廟此先薦離宮將  
以遨既同羞俎實且異獻溪毛露顆明朝日朱  
光逼赭袍戴經傳自久漢令著方高天子從茲  
食羣臣賜亦叨

韋子華約遊園上馬後雨作遂歸

誰約玩春物狂風雲驟開擺叢多落葉蔽路足  
昏埃逆水鷺迎雨將生鵝怕雨相康今轉懶騎  
馬半途迴

大風

夜風晝不止天理何可常正當春木榮擺磨枝  
葉傷東皇務長養乃值此物狂尋不訴於帝斥  
之出遠方風伯有罪五孰肯進皂囊往時歲苦  
旱救熱雨欲滂吹之不使下雲雷遂深藏復搖  
江海波白日沉舟航又卷關塞沙千里填河隍  
拔木與退鷁書傳言已詳今者天柔和煦煦旨  
敷芳獨爾何不仁豪怒事雄強既其背天時誅  
殛固所當鳶鳴兼虎嘯助惡黨亦昌

春風

常愁春雲低誰料春風惡搖扇無定響折榦時  
聞洛吹花擁細草送雨來高閣江燕倚身輕逆  
飛前復却

送侯寺丞知鞏縣

侯洛人

伊洛合河流正臨歸鞏路崖壁人畏崩芹泥岸  
長固山迴邑郭見馬入雲煙暮宰茲雖所淹况  
與鄉黨附

宋次道家摘寶相花歸清平里

往歲見此花開遲手擷羣芳因醉嗅今來須約

爛熳看及過風雨又已後主人爲我特殷勤架  
底深深掇孤秀密枝陰蔓不爭開薄紅細葉尖  
相聞先時已落已掃除最晚堪憐子所厚呼童  
歸還不可緩金盤付與急驕暮還已見映雪髻  
初拈尚覺香在袖官橋夜市正沽酒沽酒共賞  
莫待書

送南京簽判寇中舍

東風莫迎船船下黃流急送車猶未動顧棹已  
不及離宮佳氣盤賓幙平時入因君報親舊將

去江南也

送韓奉禮隨侍之許昌

岸之側多菖蒲蒲之下多乳魚乳魚可以饌菖  
蒲可以菹美君調膳去且樂因使無忘寄我書

金明池遊

三月天池上都人袷服多水明搖碧玉岸響集  
靈囂畫舸龍延尾長橋霓飲波苑花光粲粲女  
齒笑瑳瑳行袂相朋接遊看與曠摩燕樓金間  
采幄敷錦文窠挈榼車傍緩歸郎馬上歌川魚

應均幸幾日翠華過 覓入蓬

和應之還邑道中見寄

向老思舊交欲見恨無翅前時君來都欣喜乃  
一至亦既勤我懷酌酒去拘忌自從離洛陽此  
會無三四謝尹最賢豪已嗟存沒異因酬馬上  
篇遂寫相逢意

送韓仲文知許州

孰不為太守所榮歸故鄉僚官詫舊識邱吏窺  
新車前去別馬上今仰立道傍野老拜車塵里  
人持壺漿至家墳猶笑 雲日光盛事  
書且舉國門觴

薛殿丞知達州

遠郡古通川雲煙秀重疊江從巴蜀來山與岷  
峨接啼鳥異方音青林四時葉使君當問俗市  
賈皆紅頰

依韻朱學士廉叔憶潁川西湖春色寄  
獻尚書晏公且將有死丘之命

物景有先後春工無舊新追歡成杳藹寄詠苦

抄詩 卷三  
逡巡湖水與濠接岸亭將寺隣艷花叅舞髻弱  
藻習垂縉客奏桓伊笛人歌柳惲蘋何嘗煩几  
案自得去埃塵縱語曾忘倦從游未覺類賦詩  
高壓古下筆敏如神每想覓俱往終知夢是因  
廣騷常慕屈感遇亦希陳借問摘詞者當時別  
乘人喜公移幕府連賞二州春

集英殿賜百官宴以雨放

春來無點雨三月始聞雷曉殿鳴簷急羣公罷  
食迴燕迎風翅健馬踏霧泥開晚覺微陽透

光上綠槐

送陳太祝歸河陽

羸馬度關去夜向河橋歸水風來何急吹裂游  
子衣到家莫久留速書赴禮闈大對必有蘊時  
哉無闊稀

送祖擇之祕丞知海州

驥有千里足不使千里馳人有抱長才亦復不  
得施去去作守長政化尚可爲勿云海濱陋豈  
無彼黔黎事舉訟必簡安能忘酒卮水物錯在

俎醜腥應自宜胸山日相對亦莫厭其卑蒼翠  
入畫戟濃淡若秀眉但向此中樂用捨乃繫時

戊子三月二十一日殤小女稱稱三首

生汝父母喜死汝父母傷我行豈有虧汝命何  
不長鴉雛春滿窠蜂子夏滿房毒螫與惡噪所  
生遂飛揚理固不可詰泣淚向蒼蒼

陪蕾樹上花瑩絜昔嬰女春風不長久吹落便  
歸土嬌愛命亦然蒼天不知苦慈母眼中血未  
乾同兩乳

高廣五寸棺埋此千歲恨至愛割難斷剛性坐  
以鈍淚傷染衣班花惜落帶嫩天地既許生生  
之何遽爾

與用文師

師名學佛者何乃愛吾詩吾方嗟世人各各事  
奔馳蒼鷹絕海至不異攫鼠鴟所趨有遠近所  
向皆餒饑漱水對無語風動庭樹枝

小女稱稱塲銘

吾小女稱稱慶曆七年十月七日生至八年三

月二十一日死嗚呼鳥獸螻蟻猶有歲時之命  
汝不然也汝稟氣血為人豐然哲然其目瞭然  
耳鼻眉口手足備好其喜也笑不知其樂其怒  
也啼不知其悲動舌而未能言無口過動股而  
未能行無蹈危飲乳無犯食之禁愛惡無有情  
之系若是則得天真與保和何病天之遽乎得  
不推之於偶然而生偶然而化偶然而壽偶然  
而夭何可必也吾將衣汝衣歛汝棺塋汝于野  
亦人道之常分汝之竟其散而為大空其復託  
為人不可知也其質朽而為土不疑矣富貴  
年者尚不免此汝又何冤瘞之日父母之情未  
能忘故書之塋非欲傳之久且以誌其悲云銘  
曰  
母孕而夢夢維虺虵古占女祥夫其豈然耶復  
占我夢我遺我稱我名命汝平御妾媵旣厲而  
乖胡然乎靡應

送吳冲卿學士歸蔡州

孟夏日南歸馬耳豎迎風急雨不及避斷霓明



向東古城汝水傍化俗寄我公君今去拜慶酥  
酪美將同

下土橋送刁景純忽大風韓子華先歸  
遺其小方巾明日持還副以此詩

昨日汴水頭共餞東去人暴風吹黃沙對面不  
相親歸來乘大馬悞擲小方巾平明馳奴還偷  
樣古逼真

刁景純期水門再別以風雨不往

餞客客未至明朝當更來風雨尋船懶車馬  
城迴烏帽吹覺重清樽想誰開終期江上見俗  
禮聊損裁

韓子華訪石昌言不遇石有詩韓邀和  
答

嘗聞載酒者去訪子雲居乃值徒御出遂令談  
笑虛爲黍寧乏具題鳳豈有諸一聽負荆語還  
想蘭相如

舟中夜聽汴河水聲

夏雨漲黃流夜鳴隣船柁乘危冒險人不識西

山餓

逢王公慥太博

駑馬不惜蹄出門莫畏泥泥中逢故友十載相  
爭睽但怪蒼鬢色斑斑俯鐵驪少立不及語交  
策或東西向晚我還舟君來訪長堤對論出處  
跡存沒生悲啼勿言少壯日志意吐虹霓而今  
七不堪懶又甚於嵇

寄題洪州慈濟師西軒

西軒無落暉所賴西庭竹竹間有古葉竹上有  
繁綠夜雨一流梢朝陽似晞沐焚香愛此心自  
不同諸俗

送謝著作歸陳州

騏驎泥中行偶蹶未千里終當至高衢尚苦泥  
行耻今歸雨濛濛嘶鳴欲何止乃念彼名駒近  
在清川浹他日見騰驤駑櫪此垂耳

和石昌言學士官舍十題

病竹

水邊移得已傷根枝葉如枯生意少主人不使

荒穢侵遂長琅玕勝凡草

石榴花

春花開盡見深紅夏葉始繁明淺綠祇知結子  
熟秋霖不識來時有筇竹

蕙苾

葉如華黍實如珠移種官庭特葱蒨但蠲病渴  
付相如勿恤謗言歸馬援

石蘭

言石曾非石上生名蘭乃是蘭之類療痲炎膏

與書功紉佩楚臣空有意

萱草

人心與草不相同安有樹萱憂自釋若言憂及  
此能忘乃是人心為物易

葵花

此心生不背朝日肯信衆草能翳之真似節旄  
思屬國向來零落誰能持

蔬畦

手自除荒手自鋤葱鍼已插壅薤本朝芸父灌

豈不勤比食翦苗閑且穩

水紅

江天淡淡江水平江岸有花紅作穗今日特向  
都城開畫時只合銜魚翠

甘菊

世言此解制頽齡便當園蔬春競種到秋猶得  
泛其英爛醉莫辭官有俸

蘭

楚澤多蘭人未辯盡以清香爲比擬蕭茅杜若  
亦莫分唯取芳聲襲衣美

勉致仕李祕監

淵明歸柴桑家貧食不足當其勇去時不待秫  
稻熟借問何以然實耻暫屈辱公常爲近臣曾  
不輒媚曲一緣府舍災遂使還秩祿祿仕四十  
年內乏釜鍾粟歸來託四隣恹恹無片屋去就  
異前人其義已介獨譬之食嗟來應自甘退縮  
當營負郭田漸可事水竹

送施景仁太博提點江南坑冶

楚山豈無銅楚匠豈不工大鑪常乏鑄碧卅那  
得充積弊在鄉縣孰肯以利寵君今承詔行諭  
民當得中苟能使之發亦莫取之窮此乃事可  
久山深山自通

夜泊虹縣同施景仁太博河上納涼書

事

與君愛清風移榻就明月月落見星繁星繁如  
晝熱露衣輕露墜響岸崩湍齧坐思都城時誰  
許脚不韞

施景仁邀詠泗州普照王寺古僧

來尋淮上寺老檜莫知年劫火已鎔像樛枝寧  
改煙根拏怪石入節駸蒼苔堅欲問浮波箭空  
嗟此獨傳

送正判官同提點坑冶

地雖不愛寶利在與民共務國不務民儻有安  
得用孟氏美王囿其說久已誦聊此陳薄言切  
但不能重

淮雨

雨脚射淮鳴萬鏃跳點起漚魚亂目濕帆遠  
來未收雲漏斜陽生半幅

舟次山陽呈王宗說寺丞

遠客雖有樂莫如逢故人夜懷夷門時月照楚  
水濱自居扁舟上隨處與船隣宜將到此日因  
使報朋親

送崔黃臣寺丞宰臨海

補官桐廬時已飽嚴陵釣進吏六百石又得臨  
海嶠因之論出處足以見風調洪潮可登觀萬  
里漲川竅收縮向何歸由來人莫料憑君能賦  
才庶或窮其妙

楚童

楚童能捕魚乃在水邊居手取眼不顧情知獺  
未如鬢上浮萍草點點綠有餘既挈不暇理歸  
來莫取渠

雜詩絕句十七首

自此寶應道中  
起慶曆七年夏

蛙行動萍葉悞觀作游魚稍稍引兩股已變科  
斗書

青草生水中日日隨水長水落何所依  
撩亂為宿莽

有蟲託斷葑斷葑日夕流不知止息處  
隨夫非自由

荒水浸籬根籬上蜻蜓立魚網挂遶籬  
野船籬外入

茸茸翦熟絲雨染燕脂暈滿樹歛黃昏  
槿花無此分

青青老鏡葉下有繁華與浪頭撥船女  
刺手不嫌

岸傍草樹密往往不知名其間有啼鳥  
似與船相迎

青蠅何處來聚集滿盤間誰知腹中物  
變化如循環

水上賣瓜女摘瓜陂上田長麻已不識  
滿把青銅錢

買魚問水客始得鯽與魴操刀欲割鱗  
跳怒鬚鬣張

沙頭風雨來帖水野雲黑如觀曹公管萬弩射  
船側

前時雙鶩鴛失雌鳴不已今更作雙來還悲舊  
流水

度水紅蜻蜓傍人飛款款但知隨船輕不知船  
去遠

塘上挽船人塘泥深及脛落日望前村心將道  
途競

燕立茅屋春燕銜芹岸泥集成同養子薄暮燕  
同棲

鵲銜高樹蟬危脇綠草響露腹不曾肥殺之嗟  
已往

河畔有釣翁團泥爲甕坐坐想秦人聲思傾杜  
陵酒



宛陵先生集目錄卷第三十三

夢尹師魯

過高郵三溝

過茱萸堰

詠朱叔文石硯屏

求叔進道堂夜話

贈劉諫器副

長蘆江口

金陵懷古

江畔

慈姥石崖上竹

阻風

慈姥磯下

早發

望夫石

過褐山磯值風

褐山磯上港中泊

宿磯上港

謁華亭廟

昭亭灘上別

宣州環波亭

昭亭山

泊姑蘇江口邀景純

牧牛隔江吹笛

和永叔中秋邀許發運

與夏張游大明寺

寄麥門冬符公院

送張唐民

秋夜同永叔看月

答永叔不見月

和永叔中秋夜會

觀永叔集古錄

觀舞

留別永叔

觀永叔畫真

畫真來嵩

別後寄永叔

登揚州北門

因目痛有作

宿邵埭呈永叔

寄許主客

迴過三溝

牛背雙鸚鵡

永叔贈石硯屏

岸貧

村豪

晚雲

荇

晚日

寄酬許發運

前日

淮陰

哀王孫

沛公歌

宛陵先生集卷第三十三

宋宛陵梅堯臣聖俞著

五月二十夜夢尹師魯

昨夕夢師魯相對如平生及覺語未終恨恨傷  
我情去年聞子喪旅寄誰能迎家貧兒女幼迢  
遞洛陽城何當置之歸西望淚緣纓

五月二十四日過高郵三溝

甲申七月七未明至三溝先妻南陽君奄化向  
行舟魂去寂無跡追之固無由此苦極天地心

瞽腸如抽泣盡淚不續岸草風颼颼柎殭尚疑  
生大呼聲裂喉柁師為我歎挽卒為我愁戊子  
夏再過感昔涕交流恐傷新人心強制措雙眸  
未及歸旅櫬悲恨何時休

過茱萸堰

茱萸堰在吳牛死茱萸堰廢吳牛閑吳牛閑東  
南百貨來如山

詠歐陽永叔文石硯屏二首

號州紫石如紫泥中有瑩白象明月黑文天蓋

不可窮桂樹婆娑生意發其形方廣盈戶間造  
化施工常不沒號州得之自山窟持作石卿硯  
傍物

鑿山侵古雲破石見寒樹分明秋月影向此石  
上布中又隱孤壁紫錦藉圓素山祇與地靈暗  
巧不欲露乃值人所獲裁為文室具獨立筆硯  
間莫使浮埃度

永叔進道堂夜話

海風驅雲來池雨打荷急虛堂開西窓晚坐涼

氣入與公話平生事不一毫及初探易之奧大  
衍遺五十乾坤露根源君臣排角立言史書星  
瑞亂止由不戢巨惡叅大美微顯豈相襲陳疏  
見公忠曾無與明執文章包元氣天地得噓吸  
明吞日月光峭古崖壁澁淵論發賢聖暗溜聞  
鬼泣夜闌索酒卮快意頻舉挹未竟天已白左  
右如啓蟄

贈劉謀閣副

聲名赫赫在窮塞眉宇堂堂真丈夫腰劔臂弓  
輕赴敵無人不伏魏黃鬚

長蘆江口

風駕晚潮急浪頭相趁過水歸瓜步小船下秣  
陵多鷗舞不停翅鷺飛輕帖波今來學楚客薄  
暮愛漁歌

金陵懷古

秦莫恃棧閣吳莫恃漚江不能恃以德二國竟  
亦降邇來屢興廢由險輕萬邦誰知荒涼城空  
存如刳腔我今經其下弔古語愧嗟嗟哉石頭

潮助怒常春撞

江畔

江畔菱蒲碧無主吳牛  
夜驤江干歸舟人不悟  
月已上花脚野蚊撩亂飛

慈姥山石崖上竹鞭

江水浸石壁峭直無鳥蹤  
穴垂青竹根瘦地愁  
作龍霹靂雨脚入濕點  
莓苔封世人不得用  
人馬今垂慵

阻風

老漁吹浪不肯休一夜南風打籬響  
灘下輕舟未可行山脚盤渦似車轆

慈姥磯下

蘆汀泱泱外露斂見孤嶂行舟每出觀  
漸近已殊狀傍來認飲牛正去忽側  
盪水壑陰若春野鳥時與相且待風色  
迴出口始浩蕩

早發

吳雞鳴隔山江月半在水齧齧出岸潮  
雲雲入蒲葦解作泛明鏡接天知幾里  
我家今不遙正

梅詩  
卷三十一  
四  
二百七  
住句溪尾

望夫石

征骨化爲塵柔肌化爲石高山共蒼蒼臨水望  
脉脉青雲卷爲髮缺月低照額千古遺恨深終  
不見車軌

過褐山磯值風

山口風偏急磯頭水似煎喧聲殊倦聽逆上正  
難牽暗石誰愁礙長途未擬前江心看白浪  
起大於船

褐山磯上港中泊

風惡舟難進聊依浦裏村岸潮生蓼節灘浪聚  
蘆根日脚看看雨江心漸漸昏篙師知蟹窟取  
以助清樽

宿磯上港

夜深風浪息月正在南斗遠水生白煙疎螢出  
荒莽照蟹屢蕪新張魚未發寄獨能憐野客游  
宦意何有

謁昭亭廟

連峰到溪止澄溜向潭瀉廟道走山腰雀雛鳴  
屋瓦古壁畫雲雷空庭儼輿馬眷予來故鄉絜  
齋陳奠牽尚想昔邕童維愚託民社每從諸父  
賽竭至此祠下今齒踰不惑雙親世似寡過此  
無所禱曷慕逢時者

昭亭潭上別

行舟晚解去親戚各還家淚落正濕衣腸翻如  
轉車借是昭亭水相隨亦有涯予今游宦意曾  
不學匏瓜

宣州環波亭

冒暑駐輪轂徘徊北壕上棟宇起中央芙蓉生  
四向今吾太守樂慰此郡人望雨從昭亭來水  
入句溪漲蜻蜓立欄角朱鯉吹荷浪岸木影下  
布水鳥時引吭心閑不競物興適每傾釀薄暮  
詠醉歸陪車知幾兩

昭亭山

曰山何必高要在出雲雨昭亭非峻峯雄雄若  
蹲虎旱歲一來祠霈然隨漑酷有草牧爾牛有



薪資爾斧有溪出其陰有潭在其塢獸則獮與  
貉魚則魴與鱖山雉水羽聲下上相雜伍呼名  
如謙恭號叫若怒侮崖竹或節踈嶺松或腹腐  
巨蜂結層房養子窟深土何事山中人采以爲  
市賈其容固已多其忍吾未取

泊姑熟江口邀刁景純相見

時陳州晏相公辟

尾生信女子抱柱死不疑吾與丞相約安得不  
顧期徘徊大江側念此親相知欲留時已晚欲  
去情難持引領望軒車豈能慰我思願聞下士

禮無曰屈非宜

見牧牛人隔江吹笛

朝與牛出牧晝與牛在野日暮穿林歸長笛初  
在髻面尾騎且吹音響未成雅隨風散遠近舉  
調任高下我方江上來平溜若鏡瀉悠悠經醉  
耳亦足發瀟灑苟能和人心豈必奏韶夏鄭聲  
實美好蠢情如剔剛况其荒敗跡亦又甚裂瓦  
南箕成簸揚寺孟詠侈哆我今留此詩誰謂馬  
喻馬

依韻和歐陽永叔中秋邀許發運

看取主人無俗調風前喜御夾衣涼競邀三五  
最圓魄知比尋常特地光艷曲旋教應可聽秋  
花雖種未能香曾非惡少休防准衆寡而今不

易當

求叔詩云仍約多爲詩  
准備共防梅老敵難當

與夏侯繹張唐民游蜀岡大明寺

秋葉已多蠹古原看更荒廢城無馬入破冢有  
狐藏寒日稍清迥羣山分漭蒼田衣指白水此  
下是雷塘

寄麥門冬於符公院

佳人種碧草所愛凌風霜佳人昔已歿草色尚  
蒼蒼陸行載以車水行載以航于今五六年與  
我道路長思人不忍弃期植寒冢傍我嗟復北  
去安得畢此喪留植精舍中遠挈防根傷他時  
京峴下不比野蒿黃

送張唐民

楚甸有行客西風一孤舟遠隨淮月上若與星  
槎浮野岸襲幽芳氣清露已秋得意美魚蟹白

酒問沙頭

秋夜同永叔看月

青天有右目昏明不常開常時翳雲氣古鑑生  
莓苔秋夜特清徹乃顧漸西迴靈兔不擣藥是  
夜無纖埃與君玩流景置酒臨層臺單衣濕白  
露鳴鴈方南來以言歡未終鴈聲一何哀

中秋不見月答永叔

天嫌物兼美而使密雲藏已向石屏見何須照  
席光

和永叔中秋夜會不見月酬王舍人

主人待月做南樓淮雨西來斗變秋自有嬋娟  
侍賓榻不須迢迢望刀頭池魚暗聽歌聲躍蓮  
的明傳酒令優更愛西垣舊詞客共將詩興壓

曹劉

觀永叔集古錄

古碑手集一千卷河北關西得最多莫怕他時  
費人力他時自有錦蒙馳

觀舞 坐上作

誰憐嬌小好腰支老大而今莫那伊太守風流  
未應淺更教多唱楚人辭

留別永叔

舊友競留連我征時已晚但言會合難豈道行  
路遠行路到有期別離未卽返明當各相思念  
此去且懶

觀永叔畫真

良金美玉不可畫可畫唯應色與形除却堅明  
盡非寶世人何得重丹青

畫真來嵩

廣陵太守歐陽公令爾畫我憔悴容便傳髣髴  
在縑素刀欠勁直藏心曾與我貨布不肯受此  
之鑿卜曾非庸公今許爾此一節爾只丹青其  
亦逢

別後寄永叔

前日辭親淚又爲別友出愁極反無言欲言詞  
已窒荷公知我詩數數形美述茲道日未堙可  
與古爲匹孟盧張賈流其言不相昵或多窮苦

語或特事豪逸而於韓公門取之不一律乃欲  
存此心欲使名譽溢竊比於老郊深愧言過實  
然於世道中固且異謗嫉交情有若此始可論  
膠漆

終揚州北門

樓上山如淡墨畫城中水似輕藍接揚州今似  
刀州景似聽中和樂職歌

因目痛有作

已爲貧孟郊拚作瞎張籍詩句但口吟世事不  
眼歷既能分好惡難用變青白讀書聽吾兒且  
未廢朝夕

宿邵埭聞雨因買藕芡人迴呈求叔

秋雨鴈來急夜舟人未眠亂風燈不定暝色樹  
相連寒屋猛添響濕窻愁打穿明朝持藕使書  
此寄公前

寄許主客

昨日山光寺前雨今朝邵伯堰頭風野雲不散  
低侵水魚艇無依尚蓋蓬藕味初能消酒渴蓼

芳猶愛照波紅楊州有使急迴去敢此寄聲非  
塞鴻

八月二十二日迴過三溝

不見沙上雙飛鳥莫取波中比目魚重過三溝  
特惆悵西風滿眼是秋蕖

牛背雙鸚鵡

牛背雙鸚鵡煙陂共入時草枯行解美日晚趁  
羣遲聞載寧辭遠相鳴不聞雌初驚牧人去飛  
上野桑枝

廣陵歐陽永叔贈寒林石硯屏

磷磷石屏上濃淡樹林分隔水見寒島暗枝藏  
宿雲賢哉吾益友持以贈離羣琥珀不須問中  
心多化蚊

岸貧

無能事耕穫亦不有雞豚燒蚌熬槎沫織蓑依  
樹根野蘆編作室青蔓與爲門稚子將荷葉還  
充犢鼻褌

村豪

日擊收田鼓時稱大有年爛傾新釀酒飽載下  
江船女髻銀釵滿童袍毳氎鮮里胥休借問不  
信有官權

晚雲

黯黯日脚雲斷續如破灘忽舒金翠尾始識秦  
女鸞又改爲連牛綴燧懷齊單伺黑密不囂額  
額城未剗風吹了無物猶立船頭看

荇

荇葉光於水鉤牽入遠汀淺黃雙蛺蝶五色小  
蜻蜒老死懷江女飄浮笑楚萍西風莫苦急孤  
藥有餘馨

晚日

晚日晴還暖人閒見物機葉枯蟲自畏窻響密  
尋歸林下見收柿水邊聞擣衣吾嗟久爲客却  
愧寄荆扉

寄酬發運許主客

淮上秋來物意閑又乘輕舸信帆還一浮一沒  
水中鳥更遠更昏天外山斜幅纏跽兵吏至濃

金灑紙領珠頒欲酬已覺不能敵盡日臨風思  
自慳

前日

前日楊州去酒熟美蟹螯秋風淮陰來沙暖拾  
蚌蠶不言爾貧富只繫其鄙夷漢重二千石後  
世何忽之

淮陰

青環瘦鐵纜繫在淮陰城水脛多長短林枝有  
直橫山夔一足走妖鳥九頭鳴韓信祠堂古

將跨下平

哀王孫

泗水赤龍飛  
飛瘦蛟在泥雲未歸冰蠶煮灰  
寒之毒臺之  
孫抱饑色誰知適自下鄉來日  
吳可哀猶之食菰飯白漿持與君王孫王孫何  
復云

沛公歌

赤帝醉提龍劍行徑草没人壯士驚白地斷裂  
不可續神姬哀哀夜深哭酒醒自負氣生虹從



者日畏天下雄秦皇玉輿來向東安知隱在芒  
碭中婦人自識雲氣從王命艱哉豐沛公

宛陵先生集目錄卷第三十四

使風

田家屋上壺

夢後寄裴如晦

昭信淮上

小村

難知

九山

淮岸

原有禽

浮來山

泊下黃溪

濠梁感懷

渦口

夢諸公餞仲文

過塗荆山

舟上采菊

朝暮

荆山

塗山

曉日

雞聲

采杞

泊楸澗觀渡

看山寄中道

暮雨

細雨樵行

晨鴉

會稽婦

九日次壽州

泊壽春龍潭

穎上得鯉為膾

丘家渡早發

水次蘇花

夜行憶山中

村醪

川上田家

發句陵

聞鴈

牽船人

田人夜歸

言張甥不捷鄉薦

開櫓

晚鷗

新晴

頰城阻風

斫膾懷未叔

夜漁

驚鳧

相公後園四題

和許主客夜會

和相國屋上菊叢

寒菜

梅詩

卷三十四

目錄

二十

送裴節推歸京

十月菊上蜂

送江學士睦倅

和民樂

和晚花

聞進士販茶

自此宣州至和  
二年五月後

梅雨

烏毀燕巢

五月十三日大水

目錄終

宛陵先生集卷第三十四

宋宛陵梅堯臣聖俞著

使風

跨下橋南逆水風十幅蒲帆彎若弓  
淮波帶日魚鱗紅  
岌岌飛上北斗中  
龜山始撞人定鐘  
岸草澁澁鳴秋蟲

田家屋上壺

脩蔓屋頭綴大壺  
簷外垂霜乾葉猶苦  
風斷根未移  
收挂煙突近  
開充酒具遲  
賤生無所用會

梅詩

卷三十四

目錄

二十

有千金時

九月二日夢後寄裴如晦

裴生安健否試問鴈經過處士賦鸚鵡將軍養  
駱駝食魚今飽未索米柰貧何昨夜分明夢持  
書認篆窠

昭信淮上

清淮渺然去白浪勢如奔同發已先遠獨行將  
向昏洲長寧辨路夜泊偶依村燈火稍覺亂應  
聞人語喧

小村

淮濶州多忽有村棘籬疎敗謾爲門寒雞得食  
自呼伴老叟無衣猶抱孫野艇鳥翹唯斷纜枯  
桑水齧只危根嗟哉生計一如此謬入王民版

籍論

難知

自古難知不遇人朝爲蛇鼠暮龍麟魏齊客溺  
簣中死亭長妻輕跨下貧白石夜歌誰與進黃  
金懷印自能伸丈夫只患無才業何恨區區逐

梅詩  
路塵

九山

我經九山問野叟崔嵬一無安曰九且恐斷岸  
積瓊玖復意陂原多產韭又疑堆壠若柱灸四  
者未悟叟不言使我臨流獨搔首

淮岸

秋水刷土骨峭瘦如老石虛沙歸島嶼寒浪漱  
竅隙下過白魚尾上有蒼獺跡平崗自相連野  
籟鳴風櫟

原有禽條鳴升遽默下

小禽不盈握羽翮自輕捷裊裊上雲鳴聲窮如  
墮葉雀懷啄粟娛鷄有棲蒿愜嗟嗟力甚微枉  
與鷹鷂接

浮來山

舊志此山  
產雲母

秦鬼驅卵沙聚結無蒼翠誰云海上海上移能與潮  
浮至洞噓蛟鼉腥廟畫風雷異雲母今有無庶  
為僊藥餌

泊下黃溪

黃溪晚來泊得見田家微刺艇斜陽下耕洲載  
耒歸牛鳴向空犢犬喜入人衣復有返樵者檐  
枯翹雉肥

濠梁感懷

天子昔封禪吾叔從金輿迴首泰山下出建雙  
隼旗來尋觀魚臺遂遠承明廬當時十五詠螢  
照墨石書

渦口

秋水見灘底淺沙交浪痕白魚跳處急宿鴈下

時昏帶月入渦尾落帆防石根清淮行未盡明  
日又前村

夢同諸公餞仲文夢中坐上作

已許郊間陳祖席少停車馬莫催行劉郎休恨  
三千里樽酒十分聽我傾

過塗荆二山遇暗石

淮流兩山間勢束秋漲急聚石如伏兵歛歛波  
下立輕舟不可防而况昧所習暗值掩已毀後  
者戒前及同發去漸遙更愁寒灘澁

舟上采菊

泯泯平慢流行當季秋月演漾過汀洲汀洲芳  
杜歇白露夜正霏黃菊寒更發采以泛酒卮不  
獨映華菱

朝暮

氣候輒未定寒暄朝暮間挾續水風生衣綵川  
陽還綠草藏濠岸枯櫟植高山且非天時異顛  
理心自閑

荆山

和楚人茲楚地泣玉山無所記但見楚人誇產  
玉古廟幽幽無鬼哭儻有鬼定無足

塗山

古傳神禹迹今向舊山阿莫問辛壬娶從來甲  
子多夜淮低激射朝江上嵯峨荒廟立泥骨巖  
頭風雨過

曉日

出舟曉日升瞳矓波上爛爛黃金鎔罨歷紫煙  
生鏡中釣船似畫分橫縱風莫從虎雲從龍變

梅記  
卷三  
作霏霞重復重

雞聲

雞聲踏曉呼呼起扶桑烏合光如車輪碾雲蹤  
跡無誰教夸父逐遠向鄧林趨復從海底轉循  
環似轆轤

采杞

誰謂岸無杞條其長矣誰謂杞無實爛其皇矣  
掇彼征矣檐旣盈矣捨棘與蠹造此宜酒維此  
宜酒我挹我注我飲我助以養我顛

泊概澗觀渡

隔岸呼舟檝臨河立馬牛解鞍沙上憩沉網渚  
間收殘日銜沙尾孤帆落戍頭莫愁暄作雨晚  
水白煙浮

看山寄宋中道

前山不礙遠斷處吐尖碧研青點無光淡墨近  
有跡前林橫白雲復與後嶺隔孤舟川上人引  
望不知夕安得老畫師寫寄幽懷客

暮雨



水上海魚吹白露山頭雲與龍附潭中水作潭中  
雨朱鼈飛過吳洲去鯉魚相隨不知數老蛤銜  
泥在深處

細雨樵行

蛟人困卧寒潭底怙波濛濛垂白絹波上女兒  
飛輕橈逆流自與郎去樵風吹鬢髮不及撩鴉  
翅卷起蕙尾翹濃纈羅帶長繞腰日暮下來吹  
短簫

晨鴉

雲昏月黑鴉不知鼓聲藜藜雞報啼睥睨未辨  
夫東西癡雛噪舞羣翅低野桑葉卷風淒淒濃  
霧不起寒雨迷晨鴉却歸巢上棲

會稽婦

食藕莫問濁水泥嫁婿莫問寒家兒寒兒顰黑  
面無脂驥子縱瘦骨骼奇買臣貧賤妻生離行  
歌負薪何媿之高車來駕建朱旗銅牙文弩擐  
犀皮官迎吏走馬萬蹄江湖晝起橫白霓舊妻  
呼載後乘歸悔淚夜落無聲啼吳酒雖美吳魚

肥儂今豢養，慙猪雞園中高樹多。曲枝一日挂  
與桑蟲齊。

九日次壽州

昔人把菊望青盃，今我持酒無黃花。自催屋裏  
紅鱗膾，不彈墻頭白項鴉。壽春城高枕淮水，綠  
蒲踈踈暮帆起。登臨不學孟參軍，帽墜山風費  
嘲紙。

泊壽春龍潭上夜半黑風破一舟

盲風吼空來不識，前山遮迴激入灣口。暗浪騰  
水涯喧聞破我船，沉沒驚一家。晦昧若塗漆，心  
緒如亂麻。燈光不出戶，鬼火空照沙。百物任漂  
蕩，薄命誰怨嗟。但存此空舟，坐類鳥寄槎。妻孥  
皆失色，一夕鬢欲華。詹惶俟天明，頃刻抵歲遐。  
雨寒雞唱遲，况乃城上鴉。

穎上得鯉魚為膾懷餘姚謝師厚

青蓑潭上老，頰尾網中魚。買作秋盤膾，還思遠  
客書。越蠶橙熟久，楚飯稻春初。雖去故鄉遠，不  
嫌為饌踈。

丘家渡早發

曲穎若秋蛇屈盤鱗甲活問成得耕人拾魚逢  
祭獺草窠殘野燒樹挂經流沫百里相對看頻  
行媿迂闊

水次薜花

秋雨日霏霏碧花生疊疊水邊有神女粧去遺  
翠靨岸側小家婦不知所宜愜未得未還人自  
將渾面帖

夜行憶山中

青熒鬼火動不悟前山雨昏徑梟鳥鳴獨行毛  
髮聚桷葉枯綴林風動疑有虎低迷薄雲開心  
喜淡月吐

村醪

雨濕破荆籬風搖樹亞旗小槽聲不急挈榼問  
沽遲摘果野棠熟望人船大隨燈前相對飲還  
似昔過時

川上田家

斜光隔河明入照桑柘下臯壠生麥苗青青尚

堪把遠見牛羊歸相親童稚野醉歌秋草間頗  
與世家寡

發句陵

秋雨密無迹濛濛在一川孤村望漸遠去鳥飛  
已先向晚雲漏日微光人倚船安知偶自適落  
岸逢沙泉

聞鴈

濕雲夜不散薄處微有星孤鴈去何急一聲愁  
更聽心應失舊侶翅已高青冥幾日江海上鳧

鷗共滿汀

牽船人

沙洲折脚鴈疑人鋪翅行柰何暮雨來復值寒  
風生濕毛染泥滓縮頸無鳴聲爾輩正若此猶  
勝被堅兵

田人夜歸

田收野更迥墟里隔煙陂荒徑已風急獨行唯  
犬隨荆扉候不掩稚子望先知自是一生樂何  
須間井爲

行次潁州聞張甥宗亮不捷鄉薦以詩  
唁而迎之

風前汝陰道雨冷江南書始歎與意異何慙定  
鑑踈但能存楚玉切莫道黔驢不負當時約馳  
迎一乘車

聞櫓

靜夜有舟下中流聞櫓聲隔牕燈已暗卷幔月  
微明漸向寒灣遠遙應宿枕驚客心何苦急曾  
是不緣名

晚鷗

晴川帶微陽鷗鳥雙飛去雙飛如有歸並宿向  
何處汀寒霧暮歷水落沙沮洳不避近行舟應  
知心寡慮

新晴

陰雲忽掃盡朝日吐清光萬里不礙日衆鳥欣  
弄吭草樹已搖落山川尚鬱蒼百事擇佳日佳  
日唯晴陽

將次項城阻風舟不能進

逆水寒風急輕舟晚不前因來泊古渡聊且上  
平田草軟行方穩鶉鷺驚去瞥然却尋孤岸遠吹  
憤亂華顛

斫膾懷永叔

高河古穴深下有蒼鱗鯽出水獐將飛落刀細  
可織香粳炊正滑白酒美少力但欠平生歡共  
此中路食

夜漁

夜漁歸自速短艇若飛雲水動月猶白挈音人

不聞迴身明燭底撫卷至宵分我以此爲足勞  
勞非爾羣

驚鳧

驚鳧雖避人終戀舊所泊盡背船頭去却從船  
尾落須知取勢高不是初飛錯

十月三日相公花 小飲賦四題

拒霜

木杪芙蓉花開非紅艷早常畏晚霜寒朱華競  
衰草

九月二十八日牡丹

香包已向青春發又見秋深特地開應笑菊殘  
無意思不能邀賦洛陽才

殘菊

零落黃金藥雖枯不改香深叢隱孤秀猶得奉  
清觴

三日讌集

蕭然寒圃有殘芳吟徧朱欄向夕陽既許坐陪  
公衮貴却慙蒿羽接鸞凰

依韻許主客北樓夜會

一月能逢幾笑歡高樓紅蠟滴金盤吟餘隴首  
雲初散唱盡陽關露已寒不管星河漸西落自  
將煙水去程寬當時坐客各南北誰憶重遊泛  
木蘭

謹和相國屋上菊叢

屋上有叢菊結根深瓦縫既無地勢美又乏土  
力擁乃因塗明生不由人所種亦能應節開焉  
取入公用公來步廣庭聞鴈目始縱忽見粲然

英降植合常從賓僚席其傍詠玩意已重物莫  
獸僻遠會過良可頌

寒菜

畦蔬收莫晚圃吏已能供根脆上將凍葉萎霜  
漸濃不應虛已筋還得間庖褻旨蓄詩人詠從  
來用禦冬

送裴節推歸京

遠水未生凍輕舟歸大梁岸迴初向月篙滑始  
霑霜清世豈淹俊上公存薦章行應重對策莫

愧漢賢良

十月菊上蜂

黃蜂得晴日不道菊開稀向藥晚寒起落叢無  
力飛輕輕難自舉怙怙一何微莫問巢房處斜  
陽柰欲歸

送江學士睦州通判

涉淮淮水淺沂溪溪水遲君到桐廬日正值采  
茶時試問嚴陵跡今復有誰知

和民樂



歲晚場功畢野老相經過有酒自斟酌適意同  
笑歌大兒緝牛衣小兒護雞窠困廩見餘積息  
成靡負戈林間落熟果屋裏鳴寒梭會待朔雪  
時狐兔生且羅飮鮮持作腊贈乏不言他是非  
了莫問此理當何如

和晚花

春花莫厭早秋草莫厭遲各不相羨慕榮枯乃  
繫時芙蓉東籬英雖晚亦自宜霜前給給開霜  
後差差萎深處有孤萼寒月尚見披野蜂徒愛

香源真不能一抱枝無力去惘然見恩私

同進士販茶

自此宣州至和  
二年五月後

山園茶盛四月江南竊販如豺狼頑凶少壯  
冒嶺巖夜行作隊如刀槍浮浪書生亦貪利吏  
倚經箱為盜囊津頭吏卒雖捕獲官司直惜儒  
衣裳却來城中談孔孟言語便欲非堯湯三日  
夏雨刺骨墊五日炎熱譏早傷百端得錢事酒  
肉屋裏餓婦無糶糧一身溝壑乃自取將相賢  
科何爾當

梅雨

三日雨不止蚯蚓上我堂濕苔生枯籬澗氣醜  
素裳東池蝦蟆兒無限相跳梁野草侵花園忽  
與欄干長門前無車馬苔色何蒼蒼屋後昭亭  
山又被雲蔽藏四向不可往靜坐唯一牀寂然  
忘外慮微誦黃庭章妻子笑我悶曷不自舉觴  
已勝伯倫婦一醉猶在傍

烏毀燕巢

堂間兩兩燕哺雛啣百蟲老鴉亦養子偷雛

巢中燕巢忽墮地六七皆命窮赤身無羽翼  
斷彼雌雄來往徒鳴聲安得置室宮我閔棲箋  
簌俄已彊雨風從今更生卵不若受女娥

五月十三日大水

誰知山中水忽向舍外流誰知門前路已通溪  
中舟窮蛇上竹枝聚蚓登階陬我家地勢高四  
顧如湖漉浮萍穿籬眼斷葑過屋頭官吏救市  
橋停車當市樓應念此中居望不辨馬牛危湍  
瀉天河漫漫無汀洲羣蛙正得時日夜鳴不休

榜言

卷三十四

去

言文

戢戢後池魚隨波去難留揚鬢雖自在江上多  
網鉤紛紜問里兒踴躍競學泗吾慕孔宣父有  
意乘桴浮

